


T 2511

8243

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
SEP 1 1938

廿二九



四夷傳第七

通志二百

北國下

烏桓

鮮卑

軻比能

宇文莫槐

徒河段

務勿塵附

蠕蠕

高車

稽胡

突厥

西突厥

鐵勒

庫莫奚

契丹

室韋



地百

烏洛侯

驅度寐

霄

拔悉彌

烏桓

烏桓者本東胡也漢初匈奴冒頓滅其國餘類保烏桓山因以為號焉俗善騎射弋獵禽獸為事隨水草放牧居無常處以穹廬為舍東開向日食肉飲酪以毛毳為衣貴少而賤老其性悍塞怒則殺父兄而終不害其母以母有族類父兄無相仇報故也有勇健能理決鬪訟者推為大人無世業相繼邑落各有小帥數百千落白為一部大人有所招呼則刻木為信雖無文字而部眾不敢違犯氏姓無常以大人健者名字為姓大人以下

各自畜牧營產不相徭役其嫁娶則先略女通情或半
 歲百日然後送牛馬羊畜以為娉幣塔隨妻還家妻家
 無尊卑旦旦拜之而不拜其父母為妻家僕役一二年
 間妻乃厚遣送女居處財物一皆為所其俗妻後母報
 寡嫂死則歸其故夫計謀從用婦人唯鬪戰之事乃自
 決之父子男女相對踞蹲以髡頭為輕便婦人至嫁時
 乃養髮分為髻著句決飾以金碧猶中國有箇步搖音箇
吉悔反字或作國婦人首飾也續漢輿服志曰公卿列
 侯夫人紺繒幘釋名云皇后首飾上有垂珠步則搖之
 也婦人能刺葦作文繡織氎氎氎氎屬也氎音力
 于反氎音胡達反男子

能作弓矢鞍勒勒馬術也鍛金鐵為兵器其土地宜糝及東

糝東糝似蓬草實如糝子至十月而熟見鳥獸乳孕以

別四節俗貴兵死斂屍以棺有哭泣之哀至葬則歌舞

相送肥養一犬以彩繩纓牽并取死者所乘馬衣物皆

燒而送之言以屬累犬屬累乃付託也屬音
 之欲反累音力端反使護死者

神靈歸赤山赤山在遼東西北數千里如中國人死者

鬼神歸岱山也博物志曰太山天帝孫也主召人
 鬼東方萬物始生故知人生命敬鬼

神祠天地日月星辰山川及先大人有健名者祠用牛

羊畢皆燒之其約法違大人言者罪至死若相賊殺者

令部落自相報不止詣大人告之聽出馬牛羊以贖死
 其自殺父兄則無罪若亡畔為大人所捕者邑落不得
 受之皆徙逐於雍狂之地沙漠之中其土多蝮蛇在丁
 令西南烏孫東北焉丁令匈奴別種也令音零烏桓自為冒頓所破
 衆遂孤弱常臣伏匈奴歲輸牛馬羊皮過時不具輒沒
 其妻子及漢武帝遣驃騎將軍霍去病擊破匈奴左地
 因徙烏桓於上谷漁陽右北平遼東五郡塞外為漢偵
 察匈奴動靜其大人歲一朝見於是始置護烏桓校尉
 秩二千石擁節監領之使不得與匈奴交通昭帝時烏

桓漸彊乃發匈奴單于冢墓以報冒頓之怨匈奴大怒
 乃東擊破烏桓大將軍霍光聞之因遣度遼將軍范明
 友將二萬騎出遼東邀匈奴而虜已引去明友乘烏桓
 新敗遂進擊之斬首六千餘級獲其三王首而還由是
 烏桓復寇幽州明友輒破之宣帝時乃稍保塞降附及
 王莽篡位欲擊匈奴興十二部軍使東城將嚴尤領烏
 桓丁令兵屯代郡皆質其妻子於郡縣烏桓不便水土
 懼久屯不休數求謁去莽不肯遣遂自亡畔還為抄盜
 而諸郡盡殺其質由是結怨於莽匈奴因誘其豪帥以

為吏餘者皆羈縻屬之光武初烏桓與匈奴連兵為寇
代郡以東尤被其害居止近塞朝發穹廬暮至城郭五
郡民庶家受其辜至於郡縣損壞百姓流亡其在上谷
塞外白山者最為彊富建武二十一年遣伏波將軍馬
援將三千騎出五阮關掩擊之關在烏桓逆知悉相率
逃之追斬百級而還烏桓復尾擊援後援遂晨夜奔歸
北入塞馬死者千餘匹二十二年匈奴國亂烏桓乘弱
擊破之匈奴轉北徙數千里漢南地空帝乃以幣帛賂
烏桓二十五年遼西烏桓大人郝且等九百二十二入

眾向化詣闕朝貢獻奴婢牛馬及弓虎豹貂皮是時
四夷朝賀絡驛而至天子乃命大會勞饗賜以珍寶烏
桓或願留宿衛於是封其渠帥為侯王君長者八十一
人皆居塞內布於緣邊諸郡令招來種人給其衣食遂
為漢偵候助擊匈奴鮮卑時司徒班彪上言烏桓天性
輕黠好為寇賊若久放縱而無總領者必復侵掠居民
但委主降掾吏蓋當時權置也恐非所能制臣愚以為

宜復置烏桓校尉誠有益於附集省國家之邊慮帝從
之於是始復置校尉於上谷寧城寧城縣名開營府并領鮮

卑賞賜質子歲時互市焉及明章和三世皆保塞無事
 安帝永初三年夏漁陽烏桓與右北平胡千餘寇代郡
 上谷秋鴈門烏桓率眾王無何與鮮卑大人丘倫等及
 南匈奴骨都侯合七千騎寇五原與太守戰於九原高
 渠谷九原縣屬漢兵大敗殺郡長吏乃遣車騎將軍何
 熙度遼將軍梁懂等擊大破之無何乞降鮮卑走還塞
 外是後烏桓稍復親附拜其大人戎末鹿為漢都尉鹿音
胡罪反順帝陽嘉四年冬烏桓寇雲中遮截道上商賈車
 牛千餘兩度遼將軍耿畢率二千餘人追擊不利又戰於

沙南斬首五百級

沙南縣屬雲中
部有蘭池城

烏桓遂歸畢於蘭池

城於是發積射士二千人度遼營千人配三郡屯以討
 烏桓烏桓乃退永和五年烏桓大人阿堅羌渠等與南
 匈奴左部句龍五斯反畔中郎將張耽擊破斬之餘眾
 悉降桓帝永壽中朔方烏桓與休屠屠各並畔中郎將
 張奐擊平之延熹九年夏烏桓復與鮮卑及南匈奴鮮
 卑寇緣邊九部俱反張冀討之皆出塞去靈帝初烏桓
 大人上谷有難樓者眾九千餘落遼西有丘力居者眾
 五千餘落皆自稱王又遼東蘇僕延眾千餘落自稱峭

王峭音七右北平烏延衆八百餘落自稱汗魯王並勇

健而多計策中平四年前中山太守張純畔入立力居

衆中自號彌天安定王遂為諸郡烏桓元帥寇掠青徐

幽冀四州五年以劉虞為幽州牧虞購募斬純首北州

乃定獻帝初平中立力登死子樓班年少從子蹋頓有

武略代王蹋音大總攝三郡衆皆從其號令建安初冀

州牧袁紹與前將軍公孫瓚相持不決蹋頓遣使詣紹

求和親遂遣兵助擊瓚破之紹矯制賜蹋頓難樓蘇僕

延烏桓延烏等皆以單于印綬後難樓蘇僕延率其部

衆奉樓班為單于蹋頓為王然蹋頓猶求計策廣陽人

閻柔少沒烏桓鮮卑中為其種人所歸信柔乃因鮮卑

殺烏桓校尉邢舉而代之袁紹因寵慰柔以安北邊及

紹子尚敗奔蹋頓時幽冀吏民奔烏桓者十萬餘戶尚

欲憑其兵力復圖中國會曹操平河北閻柔率鮮卑烏

桓歸附操即以柔為校尉建安十二年曹操自征烏桓

大破蹋頓於柳城斬之首虜二十餘萬人袁尚與樓班

烏延等皆走遼東遼東太守公孫康並斬送之其餘衆

萬餘落悉徙中國云西晉王浚為幽州牧有烏桓單于

審登前燕慕容儁時有烏桓單于

薛雲後燕慕容盛時有烏桓渠帥莫賀咄科散並其別種然皆微弱不足云矣

鮮卑

鮮卑者亦東胡之支也別依鮮卑山故因號焉其言語習俗與烏桓同唯婚姻先髡頭以季春月大會於饒樂

水上

水在今營州北

飲讌畢然後配合又禽獸異於中國者野

馬原羊角端牛以角為弓俗謂之角端弓者

郭璞注爾雅曰原羊

似吳羊而大角出西方前書音義曰端角似牛角可為弓

又有貂豹鼯子皮毛柔螻

貂音女滑反鼯音胡昆反貂鼯並鼠屬納狗屬也

故天下以為名裘漢初亦為

冒頓所破還竄遼東塞外與烏桓相接未嘗通中國焉

先武初匈奴彊盛率鮮卑與烏桓寇抄北邊殺略吏民

無有寧歲建武二十一年鮮卑與匈奴入遼東遼東大

守祭彤擊破之斬獲殆盡由是震怖及南單于附漢北

虜孤弱二十五年鮮卑始通驛使其後都護偏何等詣

祭彤求自効功因令擊北匈奴左伊育訾部斬首二千

餘級其後偏何連歲出兵擊北虜還輒持首級詣遼東

受賞賜三十年鮮卑大人於仇賁滿頭等率種人詣闕

朝賀募義內屬帝封於仇賁為王滿頭為侯時漁陽赤

山烏桓歆志賁等數寇上谷永平元年祭彤復賂偏何

擊歆志貞被斬之於是鮮卑大人皆求歸附並詣遼東
受賞賜青徐二州給錢歲二億七千萬為常明章二帝
保塞無事和帝永元中大將軍竇憲遣右校尉耿夔擊
破北匈奴北單于逃走鮮卑因北轉徙據其地匈奴餘
種留者尚有十餘萬落皆自號鮮卑鮮卑由此漸盛九
年遼東鮮卑攻肥如縣肥如縣故城在今平州也太守祭參坐沮敗
下獄死十三年遼東鮮卑寇右北平因入漁陽太守擊
破之延平元年鮮卑復寇漁陽漁陽太守張顯率數百
人出塞追之兵馬掾嚴授諫曰前道險阻賊勢難量宜

且結營先令輕騎偵視之顯意其銳怒欲斬之因復進
兵遇虜伏發士卒悉走唯授力戰身被十創手殺數人
而死顯中流矢主簿衛福功曹徐咸皆自投赴顯俱歿
於陣鄧太后策書褒歎賜顯錢六十萬以家三人為郎
授福咸各錢十萬除一子為郎安帝永初中鮮卑大人
燕荔陽詣闕朝賀鄧太后賜燕荔陽王印綬赤車參駕
令止烏桓校尉所居窰城下通胡市因築南北兩部質
館築館以受降賀鮮卑邑落百二十部各遣入質是後或降或
畔與匈奴烏桓更相攻擊元初二年秋遼東鮮卑圍無

慮縣無慮縣屬遼東郡也州郡合兵固保清野鮮卑無所得復攻

扶黎營殺長吏扶黎縣屬遼東國故城在今營州東南四年遼西鮮卑連

休等遂燒塞閉寇百姓烏桓大人於秩居等與連休有

宿怨共郡兵奔擊大破之斬首千三百級悉獲其生口

牛馬財物五年秋代郡鮮卑萬餘騎連穿塞入寇分攻

城邑燒官寺殺長吏而去乃發緣邊甲卒黎陽營兵屯

上谷以備之冬鮮卑入上谷攻居庸關復發緣邊諸郡

黎陽營兵積射士步卒二萬人屯列衛要六年秋鮮卑

入馬城塞殺長吏馬城縣名屬代郡也度遼將軍鄧遵發積射士

三千人及中郎將馬續率南單于與遼西右北平兵馬

會出塞追擊大破之獲生口及牛羊財物甚衆又發積

射士三千人馬三千匹詣度遼營屯守永寧元年遼西

鮮卑大人烏倫其至鞬率詣鄧遵降奉貢獻詔封烏倫

為率衆王其至鞬為率衆侯賜綵繒各有差建光元年

秋其至鞬復叛寇居庸雲中太守成嚴擊之兵敗散曹

揚穆以身捍嚴與俱戰歿鮮卑於是圍烏桓校尉徐常

於馬城度遼將軍耿夔與幽州刺史龐參發廣陽漁陽

涿郡中卒分為兩道救之常夜得潛出與夔等并力並

進攻賊圍解之鮮卑既累殺郡守膽意轉盛控弦數萬
騎延光元年冬復寇鴈門定襄遂攻太原掠殺百姓二
年冬其至鞬自將萬餘騎入東領候分爲數道攻南匈
奴於蔓柏縣名屬五原郡也莫鞬日逐王戰死殺千餘人三年
秋復寇高柳擊破南匈奴殺漸將王順帝永建元年秋
鮮卑其至鞬寇代郡太守李超戰死明年春中郎將張
國遣從事將南單于兵步騎萬餘人出塞擊破之獲其
資重二千餘種時遼東鮮卑六千餘騎亦寇遼東玄菟
烏桓校尉耿舉發緣邊諸郡兵及烏桓率衆王出塞擊

之斬首數百級大獲其生口牛馬什物鮮卑乃率種衆
三萬人詣遼東乞降三年四年鮮卑頻寇漁陽朔方六
年秋耿舉遣司馬將胡兵數千人出塞擊破之冬漁陽
太守又遣烏桓兵擊之斬首八百級獲牛馬生口烏桓
豪人扶漱官勇健漱音所救反每與鮮卑戰輒陷敵詔賜號
率衆君陽嘉元年冬耿舉遣烏桓親漢都尉戎末鬼率
衆王侯咄歸等出塞抄擊鮮卑大斬獲而還賜咄歸等
已下爲率衆王侯長賜綵繒各有差鮮卑後寇遼東
國於是畢乃移屯遼東無慮城拒之一年春匈奴中郎

將趙稠遣從事將南匈奴骨都侯夫沈等出塞擊鮮卑
 破之斬獲甚衆詔賜夫沈金印紫綬及練綵各有差秋
 鮮卑穿塞入馬城代郡太守擊之不能克後其至鞬死
 鮮卑寇盜差稀桓帝時鮮卑檀石槐者其父投鹿侯初
 從匈奴軍二年其妻在家生子投鹿侯歸怪欲殺其妻
 言嘗晝行聞雷震仰天視而電入其口因吞之遂隻身
 十月而產此子必有奇異且宜長視投鹿侯不聽遂棄
 之妻私語家令收養焉名檀石槐年十四五勇健有智
 略異部大人抄取其外家二檀石槐單騎追擊之所

向無前悉還得所亡者由是部落畏服乃施法禁平曲
 直無敢犯者遂推以為大人檀石槐乃立庭於彈汗山

歠仇水上

歠音昌
悅反

去高柳北三百餘里兵馬甚盛東西

部大人皆歸焉因南抄緣邊北拒丁零東卻夫餘西擊

烏孫盡據匈奴故地東西四千餘里網羅山川水澤鹽

池永壽二年秋檀石槐遂將三四千騎寇雲中延熹元

年鮮卑寇邊冬使匈奴中郎將張奐率南單于出塞擊

之斬首二百級二年復入鴈門殺數百人大抄掠而去

六年夏千餘騎寇遼東屬國九年夏遂分騎數萬人入

小五
緣邊九部並殺掠吏民於是復遣張奐擊之鮮卑乃出
塞去朝廷積患之而不能制遂遣使持印綬封檀石槐
為王欲與和親檀石槐不肯受而寇抄滋甚乃自分其
地為三部從右北平東至遼東接夫餘濊貊二十餘邑
為東部從右北平以西上谷十餘邑為中部從上谷以
西至敦煌烏孫二十餘邑為西部各置大人主領之皆
鬻檀石槐靈帝立幽并涼三州緣邊諸部無歲不被鮮
卑寇抄殺略不可勝數熹平三年冬鮮卑入北地太守
日率休屠屠各追擊破之遷育為護烏桓校尉五年

鮮卑寇幽州六年夏鮮卑寇二邊秋夏育上言鮮卑寇
邊自春以來三十餘發請徵幽州諸郡兵出塞擊之一
冬二春必能禽滅朝廷未許先是護羌校尉田晏坐事
論刑被劾欲立功自効乃請中常侍王甫求得為將因
此議遣兵與育并力討賊帝乃拜晏為破鮮卑中郎將
大臣多有不同乃召百官議朝堂議郎蔡邕上議曰自
匈奴北遁鮮卑疆盛據其故地稱兵十萬加以關塞不
嚴禁網多漏精金良鐵皆為賊有漢人逋逃為之謀主
夫邊垂之患手足之蚘搔中國之困曾肯之癩疽也

介搔新到反坤蒼曰癩必燒
反杜氏注左傳曰疽惡瘡也

方今郡縣盜賊尚不能禁

況醜虜而可服乎昔高祖忍平城之耻呂后棄慢書之
垢方之於今何者為甚天設沙漠秦築長城漢起塞垣
所以別內外異殊俗也苟無蹙國內侮之患則可矣豈
與蟲蝗狄寇計往來哉雖或破之豈可殄盡而方今本
朝為之旰食乎夫卹人救急雖成郡列縣尚猶棄之況
障塞之外未嘗為人居者乎備邊之術李牧善其宜保
塞之論嚴尤申其要遺業猶在文章尚存循二子之策
守先帝之規臣曰可矣帝不從遂遣夏育出高柳田晏

出雲中匈奴中郎將臧旻率南單于出鴈門各將萬騎
三道出塞二千餘里檀石槐命三部大人各帥眾逆戰
育等大敗喪其節傳輜重各將數千騎奔還死者十七
八三將檻車徵下獄贖為庶人冬鮮卑寇遼西光和元
年冬又寇酒泉緣邊莫不被毒種衆日多田畜射獵不
足給食檀石槐乃自徇行見烏侯秦水廣從數百里水停
不流從子用反其中有魚不能得之聞倭人善網捕於是東
擊倭人國得千餘家徙置秦水上捕魚以助糧食光和
中檀石槐死時年四十五子和連代立和連才力不及

父亦數為寇抄性貪淫斷法不平眾畔者且半後出攻
北地廉人善弩射者廉縣名屬北地郡射中和連即死其子騫

曼年小兄子魁頭立後騫曼長大與魁頭爭國眾遂離
散魁頭死弟步度根立眾稍衰弱中兄扶羅韓亦別擁
眾數萬為大人建安中曹操定幽州步度根與軻比能
等因烏桓校尉閻柔上貢獻後代郡烏桓能臣氏等叛
求屬扶羅韓扶羅韓將萬餘騎迎之到桑乾氏等議以
為扶羅韓部威禁寬緩恐不見濟更遣人呼軻比能比
能即將萬餘騎到當共盟誓比能便於會上殺扶羅韓

扶羅韓子泚歸泥及部眾悉屬比能比能自以殺歸泥父
特又善遇之步度根由是怨比能魏文帝踐阼田豫為
烏桓校尉持節并護鮮卑屯昌平步度根遣使獻馬帝
拜為王後數與軻比能更相攻擊步度根力不能抗將
其眾萬餘落保太原鴈門郡步度根乃使人招呼泚歸
泥曰汝父為比能所殺不念報仇反屬怨家今雖厚待
汝是欲殺汝計也不如還我我與汝是骨肉至親豈與
仇等由是歸泥將其部落逃歸步度根比能追之弗及
黃初五年步度根詣闕貢獻厚加賞賜是後一心守邊

不為寇害而軻比能衆遂彊盛明帝即位務欲綏和戎狄以息征伐羈縻兩部而已青龍元年比能誘步度根深結和親於是步度根將泚歸泥及部衆悉保比能寇鈔并州殺略吏民帝遣驍騎將軍秦朗征之歸泥叛比能將其部衆降拜歸義王賜幢麾曲蓋鼓吹居并州如故步度根為比能所殺

軻比能

軻比能本小種鮮卑以勇健斷法平端不貪財物衆推以為大人部落近塞自袁紹據河北中國人多亡叛歸

之教作兵器鎧楯頗學文字故其鞞御部衆擬則中國出入弋獵建立旌麾以鼓節為進退建安中因烏桓校尉閻柔上貢獻魏武西征關中田銀反河間比能將二千餘騎隨柔擊破銀後代郡烏丸反比能復助為寇害魏武以鄴陵侯彰為驍騎將軍北征大破之比能走出塞後復通貢獻延康初比能遣使獻馬魏文帝亦立比能為附義王黃初二年比能出諸魏人在鮮卑者五百餘家還居代郡明年比能帥部落大人小子代郡烏丸脩武盧等二千餘騎驅牛馬十萬餘口交市遣魏人千

餘家居上谷後與東部鮮卑大人素利及步度根三部
羊鬪更相攻擊校尉田豫和台之使不得相侵五年比
能復擊素利豫率輕騎徑進荷其後比能使別小帥瑱
奴拒豫豫進討破走之由是懷貳乃與輔國將軍鮮于
輔書曰夷狄不識文字故校尉閭柔保我於天子我與
素利爲讎往年攻擊之而田校尉助素利我臨陣使瑱
奴往聞使君來即便引軍退步度根數數鈔盜又殺我
弟而誣我以鈔盜我夷狄雖不知禮義兄弟子孫受天
子印綬牛馬尚知美水草况我有人心邪將軍當保明

於天子輔得書以聞帝帝復使豫招納安慰比能衆遂
疆盛控弦十餘萬騎每鈔掠得財物均平分付一決日
前終無所私故得衆死力餘部大人皆敬憚之然猶未
能及檀石槐也太和二年豫遣譯夏舍詣比能女婿鬱
築鞬部舍爲鞬所殺其秋豫將西部鮮卑蒲頭泄歸泥
出塞討鬱築鞬大破之還至馬城比能自將三萬騎圍
豫七日上谷太守閻志柔之弟也素爲鮮卑所信志往
解喻即解圍去後幽州刺史王雄并領校尉撫以恩信
比能數款塞詣州貢獻至青龍元年比能誘納步度根

使叛并州與結和親自勒萬騎迎其累重於陞北并州
刺史畢軌遣將軍蘇尚董弼等擊之比能遣子將騎與
尚等會戰於樓煩臨陣害尚弼至三年中雄遣勇士韓
龍刺殺比龍更立其弟素利彌加厥機皆為大人在遼
西右北平漁陽塞外道遠初不為邊患然其種衆多於
比能也其後諸子爭立衆遂離散諸部大人慕容托跋
更盛焉

宇文莫槐

宇文莫槐出於遼東塞外其先南單于之遠屬也世為

東部大人其語與鮮卑頗異人皆剪髮而留其頂上以
為首飾長過數寸則截短之婦女被長襦及足而無裳
焉秋收烏頭為毒藥以射禽獸莫槐虐用其人為部下
所殺更立其弟普撥為大人普撥死子丘不勒立娶代
王鬱律女丘不勒死子莫槐立莫槐遣弟屈雲攻慕容
皝慕容皝擊破之又遣別部素延伐慕容皝於棘城復
為慕容皝所破時莫皝部衆彊盛自稱單于塞外諸部
咸憚之莫皝死子遜昵延立率衆攻慕容皝於棘城皝
子翰先戍於外遜昵延謂其衆曰翰素果勇必為人患

宜先取之棘城不足憂也乃分騎數千襲翰翰聞之使人詐為段末波使者逆謂遜昵延曰翰數為吾患久思除之今聞來討甚善當戒嚴相待宜兼路早赴翰設伏待之遜昵延以為信然長驅不備至於伏所為翰所敗翰馳使告嵬乘勝遂進及晨而至嵬亦盡銳應之遜昵延率眾逆戰前鋒始交而翰已入其營縱火燎之眾乃大潰遜昵延單馬奔還悉俘其眾遜昵延父子世雄漢北又先得玉璽二紐自言為天所相每自誇大及此敗也乃卑辭厚幣遣使朝貢于代王什翼健什翼健嘉

以女妻焉遜昵延死子乞得龜立復伐慕容嵬嵬拒之乞得龜屯保澆水固壘不戰遣其兄悉跋惟襲嵬子仁于柏林仁逆擊斬悉跋惟嵬又攻乞得龜克之乞得龜單騎夜奔悉虜其眾乘勝長驅入其國城收資財億計徙部人數萬戶以歸先是海出大龜枯死於平郭至是而乞得龜敗別部人逸豆歸殺乞得龜而自立與慕容皝迭相攻擊遣其國相莫渾伐晃而莫渾荒酒縱獵為晃所破死者萬餘人其後晃伐逸豆歸逸豆歸拒之為晃所敗殺其驍將步亦干逸豆歸遠遁漠北遂奔高麗

是徙其部衆五千餘落於昌黎自是散滅後周宇文氏
之源蓋出於此

徙河段 務勿塵附

徙河段就六眷出於遼西其伯祖日陸眷因亂被賣爲
漁陽烏丸大人庫辱官家奴諸大人集會幽州皆持唾
壺唯庫辱官獨無乃唾日陸眷口中日陸眷因咽之西
向拜天曰願使主君之智慧祿相盡移入我腹中其後
漁陽大饑庫辱官以日陸眷爲健使將人衆詣遼西遂
食招誘亡叛遂至疆盛日陸眷死弟乞珍代立乞珍死

子務勿塵代立即就六眷父也據遼西之地而臣於晉
其所統二萬餘家控弦上馬四五萬騎晉惠帝時幽州
刺史王浚以段氏數爲已用深德之乃封務勿塵爲遼
西公假大單于印綬浚使務勿塵率萬餘騎伐石勒於
恒山封龍山下大破之務勿塵死就六眷立就六眷與
弟匹磾從弟末波等率五萬餘騎圍石勒於襄國勒登
城望之見將士皆釋仗寢卧無警備之意勒因其懈怠
選募勇健穿城突出直衝末波生禽之置之座上與飲
宴盡歡約爲父子盟誓而遣之末波旣得免就六眷等

遂攝軍而還不復報浚歸于遼西自此以後末波常不
敢南向洩焉人問其故末波曰吾父在南其感勒不害
已也如此就二眷死其子幼弱匹磾與劉琨世子羣奔
喪匹磾陰卷甲而往欲殺其叔羽鱗及末波而奪其國
末波等知之遣軍逆擊匹磾劉羣爲末波所獲匹磾走
還薊懼琨禽已請琨宴會因執而害之匹磾既殺劉琨
與羽鱗末波自相攻擊部衆乖離欲擁其衆徙保上谷
阻軍都之險以距末波等代王鬱律聞之陰嚴精騎將
擊之匹磾恐懼南奔樂陵後石勒遣石虎擊段文鴛于

樂陵破之生禽文鴛匹磾遂率其屬及諸塢壁降于石
勒末波自稱幽州刺史屯遼西末波死國人因立陸眷
弟護遼爲主代王翳槐假護遼驃騎大將軍幽州刺史
大單于北平公弟鬱蘭撫軍將軍冀州刺史勃海公石
虎後敗護遼於遼西護遼奔於平岡山遂投慕容皝晁
殺之鬱蘭奔于石虎虎以所徙鮮卑五千人配之使屯
令支鬱蘭死子龕代之及冉閔之亂龕率衆南移遂據
齊地慕容儁使其弟恪
殺之阮其徒二千餘人

劉儁毒其目而

蠕蠕

蠕蠕而亮姓郁久間托跋力微之在北荒也部騎掠得

一奴髮始齊眉忘其本名力微字之曰木骨間者夷言

首秃也木骨間與郁久間聲相近故其後子孫因以為

氏焉木骨間既壯免奴為騎卒代王猗盧時有所攻討

木骨間坐後期當斬亡匿廣漠谿谷之間收合逋逃得

百餘人而長之木骨間死子車鹿會雄健得衆心始有

部落自號柔然部後以為國號魏太武以其無知狀類

於蟲故改其號曰蠕蠕宋齊謂之芮芮骨間六代孫

於蟲故改其號曰蠕蠕隋史亦曰芮芮

曰社崙兇狡有權略魏道武之與秦王姚興構怨也遣

兵攻其屬國沒奔于黠弗素古延社崙方睦於秦遣將

救之大敗遠遁漠北侵高車深入其地遂吞并諸部凶

勢益振北徙弱洛水始立軍法千人為一軍軍置將一

人百人為幢幢置帥一人攻戰先登者賜以虜獲畏懦

者以石擊其首殺之是時西北有匈奴餘種最為富彊

復為社崙所并其境土西則焉耆之北東則朝鮮故地

之西北則渡沙漠窮瀚海南則臨大磧其常所會庭則

燉煌張掖之北社崙乃自號為丘豆伐可汗是歲晉安

帝

帝元興元年也

可汗之號始於此

丘豆伐猶言駕馭開張也可

汗猶言皇帝也蠕蠕之俗君及大臣因其行能即為稱謚既死之後不復追稱社崙自是屢擾魏邊明元永興二年社崙圍魏師於牛川明元率眾救之大敗社崙社崙走死其弟斛律立斛律五年將嫁女於燕兄子步鹿真謂諸大臣曰斛律將以汝等女為媵大臣恐逆執斛律與女皆送於燕而立步鹿真為可汗社崙季父之子曰大檀領別部得眾心或告步鹿真云國人欲立大檀步鹿真發兵襲之兵敗見殺而大檀遂自立為紇升蓋

可汗斛律至和龍燕王馮跋待以客禮斛律請還跋遣其將萬凌帥騎送之凌憚遠役殺之而還大檀立遂侵魏明元擊之大檀走魏兵追之遇大雪士卒凍死墮指者什二三大武始光二年大舉伐蠕蠕三道並進軍至漠南舍輜重輕騎齎十五日糧度漠擊之蠕蠕大驚絕迹北走神麤二年大武復伐蠕蠕率輕騎兼馬驟至粟水大檀先不設備遂燒廬舍西遁部眾四散大武分軍搜討東西五千里南北二千里俘斬甚眾高車諸部乘勢鈔掠蠕蠕種類前後降魏者二十餘萬落獲戎馬百餘

萬匹畜產車廬無慮數百萬太武循弱水西行至涿邪
山諸將慮有伏兵勸太武還兵還至黑山得蠕蠕降人
云可汗被病以車自載入南山民畜窘聚方八十里無
人統領相去百八十里追兵不至乃徐西去若復前行
二日則盡滅之矣太武深悔之大檀因憤悒而卒子吳
提立號勅連可汗吳提四年遣使朝獻先是北鄙候騎
獲吳提南偏邏者二十餘人太武賜之衣服遣歸吳提
上下感德故朝貢焉帝厚賓其使而遣之延和二年以
吳提尚西海公主又遣使者納吳提妹爲夫人又進爲

左昭儀

遣其兄秃鹿傀及左右數百人來朝獻

二千匹帝大悅班賜甚厚至太延二年乃絕和犯塞四
年車駕幸五原遂征之樂平王丕河東公駕多羅督十
五將出東道永昌王健宜都王穆壽督十五將出西道
車駕出中道至浚稽山分中道復爲二道陳留王崇從
大澤向涿邪山車駕從浚稽北向天山西登于阜刻石
記行不見蠕蠕而還時漠北大旱無水草軍馬多死五
年車駕西伐沮渠牧犍宜都王穆壽輔景穆居守長樂
王嵇敬建寧王崇二萬人鎮漠南以備蠕蠕吳提果犯

塞穆壽素不設備賊至七介山京邑大駭爭奔中城司
空長孫道生拒之於吐頽山吳提之寇也留其兄乞列
歸與北鎮諸軍相守敬崇等破乞列歸于陰山之北獲
乞列歸乞列歸歎曰沮渠陷我也又獲其伯父他吾無
鹿胡及其將帥五百人斬首萬餘級吳提聞而遁走道
生追之至于漠南而還太平真君四年車駕幸漠南分
軍爲四道樂安王範建寧王崇各統十五將出東道樂
平王丕督十五將出西道車駕出中道中山王辰領十
五將爲中軍後繼車駕至鹿潭谷與賊相遇吳提遁走

追至頽根河擊破之車駕至石水而還五年復幸漠南
欲襲吳提吳提遠遁乃止吳提死子吐賀真立號處可
汗十年正月車駕北伐高昌王那出東道略陽王羯兒
出西道車駕與景穆自中道出涿邪山吐賀真別部帥
爾綿他拔等率千餘家來降是時軍行數千里吐賀真
新立恐懼遠遁九月車駕北伐高昌王那出東道略陽
王羯兒出中道與諸軍期會於地弗池吐賀真悉國精
銳軍資甚盛圍那數十重那掘山長圍堅守相持數日吐
賀真數挑戰不利以那衆少而固疑大軍將至解圍走

道那引軍追之九日九夜吐賀真益懼棄輜重踰穹隆
嶺道那收其輜重引軍還與車駕會於廣澤略陽王羯
兒盡收其人戶畜產百餘萬自是吐賀真遂單弱遠竄
邊疆息警矣文成太安四年車駕北征騎十萬車十五
萬兩旌旗千里遂渡大漠吐賀真遠遁其莫弗烏朱駕
頽率衆數千落來降自太武征伐之後意存休息蠕蠕
亦怖威北竄不敢復南和平五年吐賀真死子予成立
號受羅部真可汗自稱永康元年平部衆侵塞北鎮游
軍大破其衆獻文皇興四年予成犯塞車駕北討京兆

王子推東陽公元丕督諸軍出西道任城王雲等督軍
出東道汝陰王賜濟南公羅烏拔督軍爲前鋒隴西王源
賀督諸軍爲後繼諸將會車駕于女水之濱獻文選精
兵五千一人挑戰多設奇兵以惑之虜衆奔潰逐北三千
餘里斬首五萬級降者萬餘人戎馬器械不可稱計旬
有九日往返六千餘里改女水曰武川焉孝文延興五
年予成求通婚媾有司以予成數犯邊塞絕其使發兵
討之帝曰蠕蠕譬若禽獸貪而亡義朕要當以信誠待
物不可抑絕之也予成旣悔前非遣使請和求結姻接

安可孤其款意乃詔報曰所論婚事今始一反尋覽事
理未允厥中夫男而下文交象所明初婚之吉敦崇禮
聘君子所以重人倫之本不敬其初令終難矣予成每
懷謫詐及見詔書乃中止太和元年遣莫何去汾比拔
等來獻良馬貂裘比拔等稱伏承天朝珍寶華麗其積
來一觀之乃勅有司出御府珍玩金玉文繡器物御廐
文馬奇禽異獸及人間所宜用者列之京肆令其歷觀
焉比拔見之自相謂曰大國富麗一生所未見也二年
又遣比拔等朝貢尋復請婚焉孝文志在招納許之予

成雖歲貢不絕而款約不著婚事亦停九年予成死予
豆菴立號伏古敦可汗自稱太平元年豆菴性殘暴好
殺其名臣暨聖石洛候以忠言諫之又勸與魏通和勿
侵中國豆菴怒誣石洛候謀反殺之夷其三族十六年
孝文遣陽平王頤左僕射陸叡並為都督領軍斛律桓
等十二將七萬騎討豆菴豆菴部內高車阿伏至羅率
衆十餘萬西走自立為主豆菴與叔父那蓋為二道追
之豆菴出自浚稽山北而西那蓋出自金山豆菴頻為
阿伏至羅所敗那蓋累有勝捷國人咸以那蓋為天所

勸彼推那蓋為主那蓋不從衆彊之那蓋曰我爲臣不
可焉能爲主衆乃殺豆菴母子以尸示那蓋那蓋乃襲
位那蓋號候其伏代庫者可汗自稱太安元年那蓋死
子伏圖立號他汗可汗自稱始平元年宣武正始三年
伏圖遣使紇奚勿六跋朝獻請求通和宣武不報其使
詔有司勅勿六跋曰蠕蠕遠祖社菴是大魏叛臣往者
包容暫時通使今蠕蠕衰微有損疇日大魏之德方隆
周漢跨據中原指清八表正以江南未平權寬北略通
和之事未容相許若脩蕃禮欵誠昭著者當不孤爾也

永平元年伏圖又遣勿六跋奉函書一封并獻貂裘宣
武不納依前諭遣伏圖西征高車爲高平主彌俄突所
殺子醜奴立號豆羅伏跋豆伐可汗自稱建昌元年永
平四年九月醜奴遣沙門洪宣奉獻珠像延昌二年冬
宣武遣驍騎將軍馬義舒使於醜奴未發而崩事遂停
寢醜奴壯健善用兵四年遣使俟斤尉比建朝貢孝明
熙平元年西攻高車大破之禽其主彌俄突殺之盡并
叛者國復彊盛二年又遣使俟斤尉比建紇奚勿六跋
鞏顧禮等朝貢神龜元年明帝臨顯陽殿引顧禮等二

十人於殿下遣中書舍人徐紇宣詔讓以蠕蠕蕃禮不備之意初豆崙之死也那蓋爲主伏圖納豆崙之妻俟呂陵氏生醜奴阿那瓌等六人醜奴立後忽亡一子字祖惠求募不能得有尼引副升牟妻曰豆渾地萬年二十許爲醫巫假託神鬼先嘗爲醜奴所信出入去來乃言此兒今在天上我能呼得醜奴母子欣悅後歲仲秋在大澤中施帳屋齋潔七日祈請天神經一宿祖惠忽在帳中自云恒在天上醜奴母子抱之悲喜大會國人號地萬爲聖女納爲可賀敷授夫副升牟爵位賜牛馬

羊三千頭地萬既挾左道亦略有姿色醜奴甚加重愛信用其言亂其國政如是積歲祖惠年長其母問之祖惠言我恒在地萬家不曾上天言上天者地萬教也其母具以狀告醜奴醜奴言地萬懸鑿遠事不可不信勿用讒言也既而地萬恐懼譖祖惠於醜奴醜奴陰殺之正光初醜奴母遣莫何去汾李具列等絞殺地萬醜奴怒欲誅具列等又阿至羅侵醜奴醜奴擊之軍敗還爲母與其大臣所殺立醜奴弟阿那瓌爲主阿那瓌立經十日其族兄俟力發示發率衆數萬以伐阿那瓌阿那

通志卷四夷列傳七
六
瓌戰敗將弟乙居伐輕騎南走歸魏阿那瓌母俟呂陵氏及其二弟尋爲示發所殺而阿那瓌未之知也阿那瓌至明帝臨顯陽殿引見勞問阿那瓌執所啓再拜殿下陳懇失國歸命之由辭旨哀苦上憐之尋封阿那瓌爲朔方郡公蠕蠕王賜以衣冕加之輅蓋侍從儀衛同于戚藩頃之明帝以阿那瓌國無定主欲令還往綏集詔羣臣議之朝論意有同異或言聽還或言不可領軍元義爲宰相阿那瓌私以金百斤餽之遂得歸國阿那瓌請辭帝臨西堂贈賜甚厚詔侍中崔光黃門元纂郭

勞遣阿那瓌來奔之後其從父兄俟力發婆羅門數萬人入討示發破之示發走奔地豆干爲地豆干所殺衆推婆羅門爲主號彌偶可杜句可汗時安北將軍懷朝鎮將楊鈞表傳聞蠕蠕已自立君乃阿那瓌同堂兄弟夷人獸心已相君長恐未肯郊迎其失國之主輕往虛反徒損國威自北廣加兵衆無以資其北入帝詔舊經蠕蠕使者牒云具仁往喻婆羅門迎阿那瓌復藩之意婆羅門殊自驕慢無遜避之心責具仁禮敬具仁執節不屈婆羅門遣大官莫何去汾俟斤丘升頭等六

人將二千騎隨具仁迎阿那瓌具仁還鎮與阿那瓌商
榷事勢阿那瓌慮不敢入表求還京會婆羅門為高車
所逐率部落千餘詣涼州降附於是蠕蠕數萬衆相率
來迎阿那瓌還國阿那瓌啓乞給賜精兵一萬資送詔
遣散騎常侍王遵業馳驛宣旨慰諭阿那瓌并賜申資
時婆羅門亦自懷朔鎮奉表規望乞軍并請阿那瓌歸
藩錄尚書事高陽王雍尚書令李崇等奏稱漢立南北
單于使之相維為國藩翰今阿那瓌婆羅門既並向化
宜兩存之以準漢制臣等參議以為懷朔鎮北土名無

結山吐若奚泉及敦煌北西海郡皆漢晉舊郡一
平原野彌漫宜置阿那瓌於西吐奚若泉置婆羅門於
西海郡各令總率部落收聚離散其爵號及資給亦宜
為之裁處蓋阿那瓌所居既是境外宜少優遣以示恩
惠令沃野懷朔武川鎮各選二百人軍主監率給其糧
仗送至前所仍於彼為之營構功就聽還諸於北來在
婆羅門前投化者令州鎮上佐準程給糧送付阿那瓌
阿那瓌草創先無儲積請給近州麻子乾飯二千斛官
馳運送婆羅門居於西海既是境內資廩不得同之阿

那瓌新造藩屏請各遣使持節先詣慰喻并委經略明
帝從之詔安西將軍廷尉元洪超兼尚書行臺詣敦煌
安置婆羅門婆羅門尋與部衆謀叛投噉噉噉三妻
皆婆羅門姊妹也仍爲州軍所討禽之二年阿那瓌上
表乞粟以爲田種詔給萬石四年阿那瓌衆大饑入塞
寇鈔明帝詔尚書左丞元孚兼行臺尚書持節喻之孚
見阿那瓌爲其所執以孚自隨驅掠良口二千并公私
驛馬牛羊數十萬北遁尋謝孚放還詔驃騎大將軍尚
書令李崇等率騎十萬討之出塞二千餘里至瀚海不

及而還婆羅門至洛陽明帝臨西堂引見之五年婆羅
門死於洛南之館詔贈使持節鎮西將軍秦州刺史廣
牧公是歲沃野鎮人破六韓拔陵反諸鎮相應孝昌元
年阿那瓌率衆討之詔遣牒云具仁齋雜物勞賜阿那
瓌拜受詔命勒衆十萬從武川鎮西向沃野頻戰剋捷
明帝又遣通直散騎常侍中書舍人馮雋使阿那瓌宣
勞班賜有差阿那懷部衆旣和士馬稍盛乃號勅連頭
兵伐可汗遂遣郁久閭彌娥等朝貢三年復遣使人鞏鳳
景等入朝此後使命繼至建義初孝莊詔阿那瓌讚拜

不言名上書不稱臣太昌元年阿那瓌遣烏勾蘭樹升
伐等朝貢并爲長子請尚公主明年孝武詔以范陽王
誨長女琅邪公主許之未及成婚而帝入關自是東西
魏競結阿那瓌爲婚好西魏文帝乃以孝武時舍人元
昱女稱爲化政公主妻阿那瓌之弟塔寒又自廢其后
乙弗氏納阿那瓌女爲后加以金帛誘之阿那瓌遂留
東魏使元整不報信命後遂率衆渡河以廢后猶在爲
言文帝不得已勅廢后自殺東魏靜帝元象元年阿那
瓌掠幽州范陽南至易水又掠肆州秀容至於三堆又

殺元整轉謀侵室東魏乃囚阿那瓌使溫豆拔等齊神
武以阿那瓌兇狡將撫懷之乃遣其使人龍無駒北還
以通溫豆拔等音問始阿那瓌殺元整亦謂溫豆拔等
不存旣見無駒微懷感愧興和二年春復遣龍無駒等
朝貢東魏然猶未盡誠款阿那瓌女妻文帝老遇疾死
齊神武因遣相府功曹參軍張徽募使於阿那瓌聞說
用文百端且言文帝之后死非其命若可汗能念舊恩
得存和睦當以天子懿親公主結成婚媾阿那瓌召其
大臣議之即歸誠於鄴遣其俟利莫何緣游大力等朝

貢因爲其子菴羅反請婚靜帝詔兼散騎常侍太府卿
羅念兼直散騎常侍中書舍人穆景相等使於阿那瓌
阿那瓌遣莫何去折豆渾十升等報聘復因求婚齊神
武請以常山王儻妹樂安公主許之改封爲蘭陵郡長
公主阿那瓌遣吐豆登郁久閭璧渾俟利莫何折豆渾
侯煩等奉馬千匹以爲聘禮請迎公主詔兼宗正卿元
壽兼太常卿孟韶等送公主自晉陽北邁資用器物神
武親自經紀咸出豐渥阿那瓌遣其吐豆登郁久閭匿
伏俟利阿夷等掘蒲提棄之伏等迎公主於新城之南

齊神武慮阿那瓌難信又以國事加重躬送公主於樓
煩之北接勞其使每皆隆厚阿那瓌大喜自是朝貢東
魏相尋四年阿那瓌請以其孫女號隣和公主妻齊神
武第九子長廣公湛靜帝詔爲婚焉阿那瓌遣其吐豆
登郁久閭璧掘俟利莫何游大力送女於晉陽武定四
年阿那瓌有愛女號爲公主以齊神武威德日盛又請
致之靜帝聞而詔神武納之阿那瓌遣其吐豆登郁久
閭汗拔姻姬等送女於晉陽自此東魏邊塞無事至於
武定末使貢相尋始阿那瓌初復其國盡禮朝廷明帝

之後中原喪亂未能外略阿那瓌統率北方頗為彊盛
稍敢驕大禮敬頗闕遣使朝貢不復稱臣天平以來逾
自踞慢汝陽王暹之為秦州也遣其典籤齊人淳于暉
使於阿那瓌遂留之親寵任事阿那瓌因入洛陽心慕
中國設立官號僭擬王者遂有侍中黃門之屬以暉為祕
書監黃門郎掌其文墨暉教阿那瓌轉至不遜每奉國
書與朝廷抗禮及齊受東魏禪亦歲時往來不絕天保
三年阿那瓌為突厥所破自殺其太子菴羅辰及阿那
瓌從弟登注俟利登注子庫提並擁眾奔齊其餘眾立

